

**Aningaasanoorutit ilai pillugit Kalaallit Nunaannut inatsisip allannguutissaatut
akuerineqarnissaa pillugu Inatsisartut aalajangiiffigisassaattut siunnersuut**
(Aningaasaqarnermut Aatsitassanullu Naalakkersuisoq)

pillugu

Aningaasaqarnermut Akileraartarnermullu Ataatsimiititaliap

ISUMALIUTISSIISSUTAA

Siunnersuutip aappassaaneerneqarnerani saqqummiunneqartoq

Ataatsimiititaliaq suliarinninnermini ukuninnga inuttaqarpoq:

Inatsisartunut ilaasortaq Jens Imanuelson, Siumut, siulittaasoq
Inatsisartunut ilaasortaq Steen Lyng, Atassut, siulittaasup tullia
Inatsisartunut ilaasortaq Jess Svane, Siumut
Inatsisartunut ilaasortaq Tillie Martinussen, Demokraatit
Inatsisartunut ilaasortaq Naaja Nathanielsen, Inuit Ataqatigiit
Inatsisartunut ilaasortaq Sara Olsvig, Inuit Ataqatigiit
Inatsisartunut ilaasortaq Peter Olsen, Inuit Ataqatigiit

Ulloq 19. marts 2015-imi siullermeerinerup kingorna ataatsimiititaliap siunnersuut misissorpaa.

1. Siunnersuutip imarisaa siunertaalu

1.1. Akileraartarnermut ministerip maleruagassat nalunaarutikkoortumik aalajangersarneqarnissaannik piginnaatitsinera

Piginnaatitsissutip allangortinneqarnissaa siunnersuutaavoq, tassa akileraartarnermut ministerip aningaasanoortut aningaasaataannik illersuinissaq pillugu maleruagassanik aalajangersaanissaanut tunngavissap allangortinneratigut annertusineratigullu aningaasanoortunik sutigut tamatigut illersuinissamik imaqalersillugu.

Aningaasanoortut aningaasaataannik illersuinissaq aalajangersakkamiiginnassaaq, atuuffiali annertusillugulu erseqqissarneqassalluni, aningaasanoortut inatsisip siunertaanut naapertuuttumik illersugaanerunissaat tunngavissami erseqqissumik allassimalersinniarlugu. Pineqartut tassaasinnaapput eqqugassat suli eqqorneqarsimanngitsut pillugit qularnaveeqqutitut piumasaaqaatit aamma akuersissutinik peqartut namminneq suleriaasissaat kiisalu sulisut aalajangersimasut akisussaassuseqartumik aningaasanoornissamik ilinniartinneqarnissaat pillugit piumasaaqaatit.

Aammattaaq piginnaatitsissut allangortinniarneqarpoq, imaallillugu akileraartarnermut ministeri Spillemyndighedenip nalunaaqutsersuineramik aaqqissuussinerisa atorneqarnissaat, matumani aamma pinngitsoorani atugaanissaat pillugit maleruagassanik aalajangersaanissamut tunngavissaqalersillugu. Maleruagassat ilaatigut tassaasinnaapput nalunaaqutsersuineramik aaqqissuussinerup pilerisaarinerimi atorneqarnissaanut tunngasut, matumani ilanngullugit nalunaaqutsersuutip qanoq atornissaanut ilusissaanullu, soorlu qalipaataanut.

1.2. Aningaasanoorfinnik aqutsisut

Aalajangersakkap oqaasertaata allangortinneqarnissaa siunnersuutaavoq, tassa allassimasoq ”atorfinitinneqannginnermini” ima allangortillugu ”atorfimmu ikkutinninnermini”. Allanguutikkut ersarissarniarneqarpoq Spillemyndighedenip aqutsisumik akuerinninnissaa aqutsisup atorfimmu ikkutinninnerani, tassalu aningaasanoorfinnik aqutsisutut ingerlatsinermik isumaginnittuulinnginnerani pissasoq, tamannami piffissami aqutsisup atorfinititaareernerani pisinnaavoq.

Aningaasanoorutit ilaat pillugit Kalaallit Nunaannut inatsit atortuulermalli ingerlatsinermik aqutsisup Spillemyndighedenimit akuerisaasimanissaanik inatsimmi piumasaaqaat unioqqutinneqartartoq Spillemyndighedenip paasisimavaa. Taamaammat aalajangersakkap allangortinneqarnissaa siunnersuutaavoq, taamaallit inuit Spillemyndighedenimit akuerineqarsimanatik aningaasanoorfiup nalinginnaasumik ingerlanneqarnerani aqutsisutut sulisut akisussaatinneqarsinnaalersillugit.

1.3. Iluanaarutitik peqquserlunnikkut pissarsianik toqqorterisoqarnissaanik aammalu pinerliiniarnernut aningaasalersuinissamik pinaveersaartitsinissaq akiuniarnerlu

Allannguutip aningaasanoorneq pillugu inatsimmi allannguutissatut siunnersuutaasut assigai, taamaallaat assigiinngissutigalugu Særlig Økonomisk og International Kriminalitet (Nunarsuaq tamakkerlugu aningaasanik peqquserlunniartarnej) pillugu Naalagaaffiup Eqqartuussissuserisuanut nalunaaruteqarnerit danskisut tuluttulluunniit pisinnaanerisa aammattaaq kalaallisut pisinnaalernerat.

Siunnersuutaavoq tunngavissap annertusineratigut akileraartarnermut ministeri aammattaaq tunngavissaqalissasoq pinerliiniarnernut aningaasalersuinissamik akiuiniarnissaq pillugu maleruagassiornissamut, matumani aamma Særlig Økonomisk og International Kriminalitet (Nunarsuaq tamakkerlugu aningaasanik peqquserlunniartarnej) pillugu Naalagaaffiup Eqqartuussissuserisuanut nalunaaruteqartussaaitaaneq pillugu. Særlig Økonomisk og International Kriminalitet (Nunarsuaq tamakkerlugu aningaasanik peqquserlunniartarnej) pillugu Naalagaaffiup Eqqartuussissuserisuata kissaatigaa iluanaarutininik peqquserlunnikkut pissarsianik toqqorterisoqarneranik nalunaaruteqarnerit digitaliusumik pisarnissaat, taamaammallu tamanna iluanaarutininik peqquserlunnikkut pissarsianik toqqorterisarnej pillugu inatsimmut tunngatillugu nalunaarutiliunneqarpoq (nr. 155, 10. februar 2014-imeersoq), 15. juni 2014-imi atortuulersoq. Assigiiaartuutitsinissaq siunertaralugu, aningaasanoorneq pillugu inatsisunut tunngatillugu nalunaarut tunngavissaq naapertorlugu atuutilersinneqassaaq.

Aningaasanoorneq pillugu inatsimmi siunnersuutaavoq aalajangersakkanik, iluanaarutininik peqquserlunnikkut pissarsianik toqqorterisoqarnissaanik pinaveersaartitsinissamik imaluunniit pinerliiniarnernut aningaasalersuinissamik akiuiniarnissamik siunertaqartuninik unioqquutitsinerit akiliisitsinermik imaluunniit qaammatit arfinillit tikillugit parnaarussinissamik aalajangersaanissamut tunngavissamik ilanngussinissaq. Siunnersuut iluanaarutininik peqquserlunnikkut pissarsianik toqqorterisarnej pillugu inatsimmi maleruagassanut atuuttunut attuumassuteqarpoq. Aningaasanoorutit ilaat pillugit Kalaallit Nunaannut inatsimmi allannguutissatut siunnersuutaasup imarisamigut (pineqaatissiisarnej kisiat pinnagu) assigaa aningaasanoorneq pillugu inatsimmut allannguut.

Aningaasanoorutit ilaat pillugit Kalaallit Nunaannut inatsisip taassumalu nalunaarutitaasa aamma iluanaarutininik peqquserlunnikkut pissarsianik toqqorterisarnej pillugu inatsisip assigiilernerat allannguinerup kingunerissavaa.

Tamanna inatsimmi aalajangersakkamut atuuttumut sanilliullugu sukannerulersitsineruvoq, tassa maleruagassanik inatsit naapertorlugu aalajangersagaasunik sakkortooujussuarmik annertooujussuarmilluunniit piaaraluneerluni unioqquutitsisoqartillugu.

Aningaasanoorneq pillugu inatsimmi siunnersuutaavoq akiliisitsinissaq imaluunniit qaammatit arfinillit tikillugit parnaarussinissaq, maleruagassanik inatsit naapertorlugu atuutilersinneqartuni aalajangersarneqarsinnaassasoq, aningaasanoorutilli ilaat pillugit Kalaallit Nunaannut inatsimmi siunnersuutaalluni akiliisitsinissaq imaluunniit Kalaallit Nunaanni piner-

luttulerinermik inatsit naapertorlugu pineqaatissiinissaq, maleruaqqusani inatsit taanna naapertorlugu atuutilersinneqartuni aalajangersarneqarsinnaassasoq. Tamanna danskit pillaa-sarnermi inatsisaasa kalaallillu pinerluttulerinermik inatsisaata assigiinngissuteqarnerannik pissuteqarpoq.

1.4. Piffissaq akileraaruteqarfik

Eqqoriaanernut internetikkullu aningaasanoornernut tunngatillugu piffissap akileraaruteqarfiusup sapaatip akunneraniit qaammatsiutit malillugit qaammammut allanngortinneqarnissaa siunnersuutaavoq, tassa aningaasanoornernut taamaaqataannut Danmarkimi neqeroorutigineqartunut tunngatillugu piffissap akileraaruteqarfiusup assinganik.

Aningaasanoornermik inatsisit namminersortunngorsaavigineqarnerat maanna ukiut pingasut missingini atuutereerpoq, misilittakkallu takutippaat aningaasanoornermik neqerooruteqartut, ilaatigut akileraarummik akiliisarnissaminnut pisussaaffimminnik amerlanertigut maleruaalluuartuusut. Maleruaalluarnerat piffissap akileraaruteqarfiusup sivitsorneratigut millissanga-tinneqanngilaq.

Aningaasanoornermik inatsisit namminersortunngorsaavigineqarnissaat siunnersuutigineqar-mat naatsorsuutigereerneqarsimanngilaq piffissap akileraaruteqarfiusup sapaatip akunneranik sivilissuseqarnera, aningaasanoornermi isertitat tamarmiusut amigartooruteqarfiunerannik (tassa imaappoq akileraarusigassaqaqannginnissaanik) kinguneqartassasoq. Piffissap akileraaru-teqarfiusup sivilunerunerata, piffissami tassani aningaasanoornermi isertitat tamarmiusut amigartooruteqarfioratarsinnaanerat millisissammagu, eqqoriaasitsinernut internetikkullu ani-ngaasanoornernut tunngatillugu piffissap akileraaruteqarfiusup sapaatip akunneraniit qaam-matinngortillugu allanngortinneqarnissaa siunnersuutaavoq.

Siunnersuutip akileraarusigassaqaqanngittarnissaanik ikilisitsinermi saniatigut aamma kingune-rissavaa, eqqoriaasitsinernut internetikkullu aningaasanoornernut tunngatillugu piffissap aki-leraaruteqarfiup assigilissammagu piffissaq akileraaruteqarfiusoq, assersuutigalugu aningaa-sanoortarfinnut nunamiittunut aamma aningaasanik ikisilluni pinnguaatinut equiffiusinnaa-sunut atuuttoq. Kiisalu siunnersuutip kingunerissavaa aningaasanoornermik neqerooruteqartut allaffissornikkut oqalisaanneqarnissaat, taakkumi akileraarutinik nalunaarutiginnittarnerat akiliisarnerallu akuttunerulissammat.

1.5. Hestiniq qimminillu sukkaniutsitsilluni eqqoriaasitsinerit akileraarutaat

Aningaasanoornerup taassuma Danmarkimi akileraarusersugaaneratuulli Kalaallit Nunaanni akileraarusersugaanissaa siunnersuutaavoq, tassa aningaasanoornermi akiliutigineqartut ta-marmiusut akileraarutaat 11 pct.-iusoq akilerneqassalluni. Danmarkimi aningaasanoornermit aamma akileraarummut tapiutitut akilerneqassaaq qaammammut aningaasanoornermit isertitat tamarmiusut 16,7 mio. kr.-init amerlanerussutaasut 19 pct.-iat. Kalaallit Nunaanni aningaasa-

noornermit kaaviiartinneqartartut ikittuararsuummata Kalaallit Nunanni aningaasanoornermit tapiutitut akileraarummik aalajangersaanissaq pisariaqarsorineqanngilaq.

1.6. Spillemyndighedenip akuersissutinik peqartunik nakkutilliinera

Siunnersuutaavoq ukiumoortumik nassuiaat tamanut saqqummiuttarunnaarlugu Spillemyndighedenimut nassiunneqartalissasoq. Allannguutissatut siunnersuutaasup assigaa aningaasanoorneq pillugu inatsimmi allannguutissatut siunnersuut.

Spillemyndighedenip aningaasanoornernik neqerooruteqartunik nakkutilliinermi oqaloqateqartarnerminilu paasisimavaa, aningaasanoornernik neqerooruteqartut ingerlatsinerat pillugu paasissutissat ilaat tassaammata tassaasinnaammataluunniit niuerneq pillugu paasissutissat isertuussassat, taamaammallu tamanut saqqummiutissallugit naleqqutinngitsut.

Aalajangersakkap siunertareqqaarsimavaa ukiumoortumik nassuiaatit akuersissutinik peqartut suliarissallugit pisussaaffigisaasa Spillemyndighedenimit misissoqqissaarneqartarnissaat, unioqqutitsisoqarsimappat erseqqissaanissaq, piumasagaatinik sukannerulersitsisoqarnissaa immaqaluunniillu akuersissummik utertitsisoqarnissaa pillugu sulianik aallartitsisoqarnissaa siunertaralugit. Ukiumoortumik nassuiaatit allatut oqaatigalugu ilaatigut tassaapput Spillemyndighedenip nakkutilliinermik suliaminik aaqqissuussinerani ilaasussat, aammalu misissueqqissaarnernut assigiinngitsunut atatillugu atugassat. Tassa imaappoq niuernermit tunngasumik paasissutissat isertuussassat, unammillertaasullu iluaqutiginiarsinnaasaasa tamanut saqqummiunneqarnissaat aallaqqaataaniilli siunertaasimangilaq.

Spillemyndighedenip paasissutissat suli pisariaqartimmagit siunnersuutigineqarpoq, paasissutissat pineqartut tamanut saqqummiunnagit Spillemyndighedenimut nassiunneqartassat.

1.7. Naammagittaalliornerup aaqqissugaanera

Akileraartarnermut ministereqarfiup susassaqarfiinut allanut tunngatillugu naammagittaalliornerup aaqqissugaanera allanngortinneqarmat aningaasanoorutit ilaat pillugit Kalaallit Nunaannut inatsit malillugu Spillemyndighedenip aalajangiineri pillugit naammagittaalliornerup aaqqissugaanera allanngortinneqanngilaq, tak. skatteforvaltningslovenip aamma inatsisit allat allanngortinneqarnerat pillugu inatsit nr. 649, 12. juni 2013-imeersoq.

Naammagittaalliutit aamma eqqartuussivimmi misiliineq pillugit maleruagassat aningaasanoorutit ilaat pillugit Kalaallit Nunaannut inatsimmut allannguutissatut siunnersuuteqarnikkut, skatteforvaltningslovenimi allannguutitut kingullernut aammalu Landsskatteretip Skatteankestyrelsellu sulianik suliaqartarneri pillugit maleruagassanut naapertuutilissapput.

2. Siunnersuutip Inatsisartunit siullermeerneqarnera

Siunnersuut Inatsisartunit annertuumik tapersorsorneqarpoq, taamaattorli siunnersuutip ilaatanutserneqarsimanginnera Parti Naleqqamit uparuarneqarluni.

3. Tusarniaanermiit akissutit

Siunnersuutip matuma ataatsimiititaliamit suliarineqarneranut atugassatut tusarniaanermut akissutigineqartut assilineri ataatsimiititaliamit pissarsiarineqarput. Ilusiliinissamut piumasaqaatit Inatsisartut Siulittaasoqarfiannit aalajangersakkat naapertorlugit tusarniaanermut akissutit inatsisissatut siunnersuutitut Inatsisartunit suliarineqartussatut tunniunneqartunut ilanngunneqartarnissaat ataatsimiititaliamit kaammattuutigineqassaaq.

Tusarniaanermut killigitinneqartoq piffissarlu tusarniaaffiusoq ataatsimiititaliamit uparuarneqassapput, tassami piffissap sulinngiffiusup, tamatumalu kingunerisaanik tusarniaaffigineqartut ullut suliffigisassaasa nalinginnaasumik ikinnerunerat Naalakkersuisunit annertunerusumik isiginiarneqassasoq naatsorsuutigineqartariaqarmat.

Assersuutigalugu julip qaammataata sulinngiffeqarfiunera pissutigalugu qaammammi tassani tusarniaanerit ingerlanneqartariaqannginnerannik Naalakkersuisut KANUKOKA-llu isumaqatigiissutaata isiginiannginneratigut inatsimmik piareersaalluni sulineq, tassungalu ilanngullugu tusarniaanerup peqqissaartumik ingerlanneqarnissaa pingaannginnerusunngortinneqarsimappat tamanna ataatsimiititaliamit assut ajuusaarnartinneqarpoq. Taamatuttaaq illuatungeriinnit isumaqatigiissutigineqarsimavoq *pissutsit immikkorluinnaq ittut aatsaat atuutsillugit* tusarniaaneq sapaatit akunnerinit tallimanit sivikinnerusinnaasoq.

Naalakkersuisut tusarniaassutaannut KANUKOKA-p akissuteqarneranit Inatsisartut upernaakkut ataatsimiinnissaata aallartinnissaata tungaanut qaammatit arfineq pingasut ingerlasimapput. Taamaattumillu ataatsimiititaliap isumaa malillugu tusarniaanermut akissummik KANUKOKA-p nassiussinissaata periarfissinneqarnissaanut periarfissaqarluarsimalluni.

Inuussutissarsiornermut, Aatsitassarsiornermut Suliffeqarnermullu Naalakkersuisoqarfik eqqaassanngikkaanni tusarniaanermut akissuteqartut sinneri siunnersuummut allanik oqaaseqaattissaqanngitsut ataatsimiititaliamit paasineqarpoq.

4. Ataatsimiititaliap siunnersuummik suliarinninnera

Inatsisissatut siunnersuutip ilaata Kalaallit Nunaanni pissutsinut tunngasup kalaallisuunngortinnera siullermeerinerup kingorna ataatsimiititaliap Naalakkersuisunit tiguaa. Inatsisartut suleriaasianni aalajangersagaq Inatsisartut isumaqatigiinniarnersa kalaallisut ingerlanneqarnissaannik aalajangersaasoq ataatsimiititaliap siunnersuuteqartumut eqqaasitsissutigissavaa. Suliaq taama sivisutigisumik ingerlanneqareersoq aalajangiinissamut tunngaviup tamakkiisup aatsaat qulakkeerneqarnera ataatsimiititaliamit assut isornartoqartinneqarpoq. Ataatsimiititaliarli suli isumaqarpoq inatsisip allanguutissaatut siunnersuutit, immikkoortoq 1-imi matuma siuliani nassuiaatigineqartut, naapertuuttut tapersorsornarlutillu.

Allannguutissatut siunnersuut Aningaasaqarnermut Akileraartarnermullu Ataatsimiititaliamit saqqummiunneqartog

Siunnersuutip taasissutissartaata kalaallisuaa danskisuaalu assigiinnngissuteqartut siunnersuutip siullermeerneqarnerata kingorna ataatsimiititaliamit paasineqarpoq. Ataatsimiititaliaq Naalakkersuisunut paasiniaavoq Naalakkersuisullu paasissutissiipput kalaallisuuani ajoraluurtumik ”oqaatsinik katattoqarsimasoq”. Inatsisartullu aappasaaneerinermi assigiittunik tunngaveqarlutik taasinnissaasa qulakkeerneqarnissaa siunertaralugu allannguutissatut siunnersuummik matuma kinguliaaniittumik ataatsimiititaliaq saqqummiussivoq. Siunnersuutip kalaallisuaa kisimi allannguuteqarmat malugeqquneqarpoq:

Aningaasanoorutit ilaat pillugit Kalaallit Nunaannut inatsisip allannguutissaata Namminersorlutik Oqartussanit akuerineqarnissaa pillugu Inatsisartut aalajangiiffigisasattut siunnersuut.

5. Ataatsimiititaliap inassuteqaataa

Aningaasaqarnermut Akileraartarnermullu Ataatsimiititaliap isumaqatigiittup allannguutissatut siunnersuutimi akuerineqarnissaa inassutigaa.

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.

Jens Immanuelen,
siulittaasoq

Steen Lynge

Jess Svane

Tillie Martinussen

Naaja Nathanielsen

Sara Olsvig

Peter Olsen